

SIDLOSENKHOSI

Ngiyabonga, Mnaketfu Orman. Siyajabula kusihlwa kuba lapha kuva lomlayeto lomangalisako lovela-lovela etindzebeni temnaketfu, lesikholwa kutsi ugcotjwe nguMoya loyiNgcwele kusiletsela letindzaba letinkhulu te, njengoba kushitiwo, tekukhutsata: kutsi sifanele siphile kanjani kulolosuku lwamanje ebungcweleni embikwaNkulunkulu nasembikwalomunye nalomunye.

2 Si—si—sifuna nje bungcwele emkhatsini wetfu kutsi akukho kukhulumisana lokwenyanyekako lokuvifa emkhatsini wetfu nhlobo njengoba sivuma lolubito lolukhulu lwaNkulunkulu. Sifanele sihambe ngalokufanelekile lentfo Nkulunkulu lasiletse kuyo. Futsi sisentasi le ngasekupheleni kweluhambo manje, lapho silindzele khona lokwendlulele ngetulu kwako konkhe lesingakwenta noma sikucabange.

3 Futsi khumbulani, sifuna kuhlala njalo sisemkhulekweni. Futsi ngetulu kwato tonkhe tintfo, bukisisani imphilo yenu: uma imphilo yakho ingahambisani nebungcwele baNkulunkulu, khona-ke buyela emuva uphindze ucale kukhuleka futsi; kukhona lokungalungi. Niyabona na? Sifanele siphile kulolohlobo lwesimo kutsi titselo taMoya Sitotenta sona satiwe ngatsi. Nguloko lesifuna kukuphila.

4 Niyati, ngalesinye sikhatsi siva bashumayeli labakhulu labangashumayela ngemandla, kodvwa besinganconota kubona inshumayelo iphilwa kunalebesingayiva ishunyayelwa, niyabona, yebo, ngoba lobo bufakazi lobubonakalako kutsi Nkulunkulu ungekhatsi.

5 Manje, sine...sita etafuleni lesidlosenkhosi. Futsi manje, noko, kunalabanye labangasitsatsi Sidlosenkhosi, futsi mhlawumbe bavele basitsatse emabandleni abo lucobo, kodvwa besingajabula kusihlwa uma beningakhona, beningafuna, kuhlanganyela natsi kuletintfo leti. Asikaze sidvwebe emalayimi abani, kuphela nje uma uhamba ngalokulifanele le—leliVangeli lo—lolilalele, futsi uvuma kutsi uyincenyeye yalo.

6 Uyati kutsi uyincenyeye yaleliVangeli. Ni—nitincwadzi letibhalwi taloko lesikhuluma ngako. Kuphela nje uma sisenta intfo lelihlazo, khona-ke sisikhubekiso kuloko lesikulalele. Niyabona na? Sifanele siphile loko lesikukholwako, futsi sikuphile ngendlela yekutsi kungeke kuhlambalate, kodvwa sibonakalise Jesu Khristu etintfweni tonkhe lesitentako futsi sitisho. Kungaleyondlela ke. SiMtsandzela nje loku.

7 Futsi manje, kusihlwa, sitofundza inchubo yelitafula leNkhosi lelitfolakala kubaseKhorinte besiBili, cishe sahluko se 11. Futsi sifundza loku futsi nje sivumele umuntfu ngamunye...

kutsi senta kanjani loku, uma kunalabafikako emkhatsini wetfu, sibita bantfu batungelete li-altari nge—ngekulandzelana lapho bangena, batsatse Sidlosenkhosi. Futsi wonkhe umKhristu ufanelekile.

⁸ Manje, uma uphila imphilo lefakazela loko longiko... Ufuna kuhlola inhlitiyo yakho. Ngoba, asengicinisekise kusho loku, kutsi umBhalo uyafundzeka lapha, "Uma sisidla ngalokungakafaneli." Manje, siyati kutsi asikafaneleki ngekwetfu lucobo; kute ngisho namunye wetfu lofanelekile. Kodvwa kutsi asiketsembeli ekufanelekeni kwetfu lucobo, setsembele kuYe Loyo lone...Se—setsembele ekufanelekeni kwaKhe, kutsi sifile ekucabangeni kwetfu lucobo, futsi nje sicabange imicabango yaKhe, futsi siphile kuyo yonkhe intfo lesikhholwa kutsi Uyasiyala kutsi siyente, futsi sibuke emuva futsi sibone kutsi siphila kuphi, futsi sibuke imphilo yetfu yonkhe, futsi uma senta tintfo letingalifaneli liVangeli, khonake asikafaneli sidle Sidlosenkhosi.

⁹ Kodvwa uma senta tintfo lesicabanga kutsi i...kutsi timphilo tetfu tingafundvwa bantfu bonkhe, kutsi uma nomangubani angeke akhone kukhomba ngemuno futsi atsi, "Ngiyibonile lendvodza ebhareni ngalelelinye lilanga," "Ngi—ngiyivile lendvodza imile futsi icoca emahlaya langcolile," "lona wesifazane enta lokuliphutsa," khona-ke, uma wati kutsi lowo nguMoya loyiNgcwele akhomba kuwe, khona-ke ungasidli Sidlosenkhosi. Kodvwa uma u—uma uva kutsi—kutsi uyaphila, kutsi utobuka emuva futsi ubone kutsi tonkhe tono takho tivunyiwe futsi tingaphansi kweNgati, khona-ke u—ufanele kutsatsa loko. U—u—uyinceny e yako.

¹⁰ Manje, asifundze umBhalo njengoba nje Pawula loNgcwele asikhutsata lapha eNcwadzini yaJohane loNgcwele e, Ngiyacolisa, eNcwadzini yabaseKhorinte bekuCala, sa—sahluko se 11, sicale nelivesi lema 23:

Ngoba Mine ngakwemukela eNkhosini...loko lenganetfulela kona futsi, Kutsi iNkhosi Jesu ngalobobusuku lobufanako...leyakhashelwa ngabo yatsatsa sinkhwa:

Ngifisa kwangatsi ngabe benginesikhatsi ku—kukhuluma loko kancanyana.

...ngalobobusuku lobufanako leyakhashelwa ngabo (Niyabona na?), watsatsa sinkhwa:

Futsi nasabongile, washlephula,...watsi, Tsatsani futsi nidle: lona ngumtimba wami, lohleshulelwe nine: loku kwenteni kutsi ningikhumbule.

Kanjalo ngendlela lefanako futsi watsatsa indzebe, futsi nasadlile kudla kwakusihlwa, watsi, Lendzebe lena yesivumelwano lesisha engatini yami: loku kwenteni

nine, ngetikhatsi tonkhe leniyinatsa ngato, kutsi ningikhumbule.

Ngoba njalo uma ni—uma nidla lesinkhwa lesi, futsi ninatsa lendzebe lena, nimemetela ngaphambili kufa kweNkhosi ite ifike.

Ngako-ke nomangubani lotokudla lesinkhwa lesi, futsi anatse lendzebe lena yeNkhosi, ngalokungakafaneli, utoba nelicala lemtimba kanye nengati yeNkhosi.

Kodvwa umuntfu akatiholisise yena, futsi-ke akadle kwalesinkhwa, futsi anatse kwalenkomishi.

Ngoba loyo lodlako futsi anatse ngalokungakafaneli, utidlela atimatsele kulahlwa, ngekungawehlukanisi umtimba weNkhosi.

Ngenca yaloko labanengi babutsakatsaka futsi bayagula emkhatsini wenu, . . . labanengi balele.

Ngoba kube besingatehlulela tsine, besingeke sehluelwe.

Kodvwa uma sehluelwe, siyalaywa yiNkhosi, kute singalahlwa kanye nelive.

¹¹ Ake ngiletse lelophuzu: uma sehluelwa Livi, lokunguKhristu, siyalaywa. Uma senta lokungakalungi, asiphili ngekwaleLivi leli, siyalaywa ke yiNkhosi. Futsi uma iNkhosi isilaya, loko kusho kutsi “kusicondzisa” tsine, kutsi asikafaneli silahlwe kanye nelive.

¹² Asisibo balelive. Sehlukile eveni, siphila imphilo leyehlukile, imphilo lehlukanisiwe. Asikafaneli siphile imphilo yelive kepha sibe ngumKhristu. Sifanele siphile i—imphilo legcamile, imphilo leyehlukile. Cha, angikacondzi, etigabeni tasem mangweni, kodvwa ngicondzze kutsi sifanele siphile imphilo yebungcwelle mbamba kutsi titselo taMoya tingabonakala kitsi: nebumnene; nebubele; nekubeketela; kukhutsatela; kukholwa: sitselo saMoya.

¹³ Kodvwa ngoba uma siva letintfo leti, khona-ke siyati kutsi siyalaywa yiNkhosi, kutsi singatenti, khona-ke silahlwe. Futsi uma singenako kulahlwa ngekhatsi kwetfu, kutsi siphila ngetulu kwaleyontfo, ngemusa waNkulunkulu, khona-ke asilahlwa live, kodvwa siphila ngetulu kwetintfo telive. Niyabona na?

Ngako-ke, bazalwane bami, uma nibutsana ndzawonye kutsi nidle, nibolindzana lomunye nalomunye.

Futsi uma umuntfu alamba, akadle ekhaya; kutsi ningabutsaneli ekulahlweni. Kepha lokusele ngitokuhlelembisa mhla ngifika.

¹⁴ Sihlala njalo senta tinkhutsato letinkhulu ngaloku, kutsi uma sihlangana ndzawonye, ngisho naloku nje singeke sibone

lutfo, kungahle kubekhona intfo letsite kulomunye umuntfu lesicaphela kutsi loko kwakungakalungi. Uma nibutsana ndzawonye kutsi nidle leSidlosenkosi lesi, lindzanani lomunye nalomunye, nikhulekelane. Khulekani kutsi... Sihlala njalo senta loku: Ngitonikhulekela kutsi uma nine, uma kukhona sono lesitsite kuwe kutsi, sento lesingakalungi noma intfo letsite loyentile njengelikholwa, Ngi—ngiyakhuleka kutsi Nkulunkulu utokukhipha kini, kutsi Utomitsetselela ngako. Futsi ningikhulekele kutsi uma kukhona intfo letsite—intfo letsite lengiyentile, lengingati nje ngako, uma ngikwentile, futsi—futsi ngati kutsi kuliphutsa, bengingaku, ngitokuvuma khona manje. Ngilungiselela ku, ngoba loyo lodla anatse ngalokungakafaneli, udla futsi atinatsele licala, angawehlukanisi umtimba weNkhosi.

¹⁵ Kwehlukanisa kwati kutsi unguimtimba weNkhosi, ungeke wawehlukanisa nge—ngebubi nesono; sifanele sibe ngetulu kwaloko. Kutsi siyehlukanisa kutsi iNkhosi ilungile, futsi siyehlukanisa kutsi UyiNhawulo yetfu; kutsi tonkhe tono tefu sitivumile, futsi siyakholelwa kuYe ngekulindza ekubuyisaneni kwaKhe kutsi asihlante kubo bonkhe bubi betfu; khona-ke sihlola umtimba weNkhosi kuloko lokungiko, kwehlukanisa kutsi kwani.

¹⁶ Besé-ke kuba kwehlukaniswa futsi, kutsi emkhatsini wetfu, njengemtimba weMlobokati weNkhosi, ake sehlukanise uma kukhona lokungalungi kitsi ekhatsi lapha lokutovimbela liVangeli kutsi likhule, noma iNkhosi yekusetfula embikwaNkulunkulu njengentfombi ntfo lemsulwa. Ake sikuhlo loko khona manje futsi sitfole kutsi kuliphutsa yini. Asikuvume uma kuliphutsa. Ake—ake sitsi, “Nkhosi, ngi—ngiyacolisa ngaloko.”

¹⁷ Ngako-ke, kungahle kube yintfo lesiyentile, loyentile, intfo lengiyentile. Kungahle kungabi ngulokucabangako, khona manje, asicele Nkulunkulu asitsetselele ngako. Sasivamise kuhlabela ingoma lapha:

Tsetselela le—letono lengitivumile kuWe;
Tsetselela sono lesiyimfhlo...?...niyabona;

Kutsi abati ngisho lutfo ngaso, sono lesingatiwa, si—si—siyakhuleka, “Nkulunkulu, batsetselle.”

¹⁸ Manje, Litsite, “Uma nibutsana, nibolindzana lomunye nalomunye,” futsi loko impela kungaba kanjena: hlalani lomunye nalomunye. *Hlala* kuchaza ku “lindza,” lindzani kulomunye nalomunye. Asente loko manje. Ngitonikhulekela. Uma nati nomayini leniyentile lokuliphutsa, tsanini, “Nkulunkulu, ngitsetselele, Beningakacondzi loko, futsi uma Utongisita kusukela kusihlwa kuchubeke, angeke ngiphindze ngikwente futsi. Ngi—ngisho sibili ngako, Nkhosi, angeke ngisaphindze ngikwente futsi uma nje Utongitsetselela.

Futsi etikwekuvuma kwami ‘Ngikhola kutsi Ungitsetselele,’ sengiyahamba ngiyotsatsa umtimba waKhristu, ngitivela enhlitiyweni yami kutsi Uyangitsetselela ngesono sami sonkhe.” Ngikhulekela ke sono sakho lesiyimfihlo, khulekelani tami, kutsi mhlawumbe intfo lesingati ngayo, kutsi singahlangani ndzawonye silahlwe kanye nelive.

¹⁹ Asilifuni live ekhatsi lapha. Lendzawana yebantfu Nkulunkulu lasinike yona kutsi sikhonte nabo lapha, sifuna kutigcina sihlantekile ebugovini, sigcine intfo yetfu...sono setfu...timphilo tetfu tihlantekile kuto tonkhe tintfo telive, kute singangcoliswa ngaloko. Sifuna kulungela luHlwitfo.

Ngako asikhuleke manje, singaphumiseli, lomunye nalomunye, umzuzwana nje. Ngikhulekeleni njengoba nami nginikhulekela.

²⁰ Nkhosi Jesu, akube njalo, Nkhosi, kutsi tonkhe tono tetfu tibeseNgatini yeNkhosi Jesu manje, ekukhohlweni kwaNkulunkulu lakubutselwa khona, kutsi sihlangane ndzawonye manje njengemakholwa latsandzekako nebantfwana kuKhristu, ngoba siyakucela, eGameni laKhe. Amen.

²¹ Manje, kulesikhatsi lesi lapho e—emalunga, ngicabanga kutsi eta ngembili. (Ngabe loko kusasolo kuyindlela lekuchutjwa ngayo, lapha?) UMnaketfu Tony Zabel, futsi utokucondzisa. Futsi uma akhona lomunye lotohamba manje futsi longafuni kuhlalela Sidlosenkhosi, siyajabula kuba nawe kusihlwa. Khumbulani wetfu wangaLesitsatfu umhlangano... Umhlangano wemkhuleko wangaLesitsatfu ebusuku. Futsi tsanini shelele niphume ngekuthula lapho bonkhe lalabanye baseta e-altari. NeMnaketfu Zabel, lapha, utocondzisa labantfu baye e-altari sisalungiselela leSidlosenkhosi.

²² Loku kumele umtimba weNkhosi Jesu, leSinkhwa. Futsi njengoba lengoma ihlatjelwe nje, *Lukholo Lwami Lubuka etulu kuWe*. Kunemiyalo lemitsatfu kuphela iNkhosi lesinike yona, nalowo kwakungumbhabhatiso, kudliwa kwesinkhwa neliwayini, nekugezana tinyawo, yimiyalo. Futsi loku kumelele umtimba lohleshuliwe waKhristu.

²³ Umkhuleko wami kutsi wonkhe umuntfu lohlanganyela kuloko kusihlwa, kutsi, utokwemukela sibusiso saMoya loyiNgcwele kutsi sifike etikwabo. Nekutsi bayagula, kwangatsi Nkulunkulu waseZulwini, Ngubani lowapha loku esimeni sekucala entasi eGibhithe ngekulda i—i—imifino lebabako neliwayini, Ngiyetsema kutsi Nkulunkulu utoniphilisa, futsi eluhambeni lwenu lonkhe akuyubakhona kugula emkhatsimi wenu. Kwangatsi Nkulunkulu waseZulwini angabuka kitsi manje, njengoba sinikela loku kuYe.

²⁴ Nkhosi Nkulunkulu, Mdali wemazulu nemhlaba, Mcalisi wekuPhila lokuPhakadze, neMniketi waso sonkhe sipho lesihle, siyaKubonga ngalenchubo, kutsi sikhone kwenta loku

kutsi ngekuKukhumbula lapho sisahlanganyela, njengoba kwakunjalo, eBukhoneni baKho, ngasekuocisaneni kwemusa waNkulunkulu. Njengoba sicabanga ngekhatsi etinhlitywени tetfu lucobo, kutsi ngalelinye lilanga sasingakafaneleki, futsi manje iNgati yaJesu Khristu isihlantile kulesosono, kutsi sima ndzawonye etindzaweni taseZulwini kuKhristu Jesu.

²⁵ Lesinkhwa ikosha, Babe, lesibhakiwe futsi saletfwa lapha ngenca yalenhoso, sicela Wena kutsi usingcwelise, Nkhosi, kutsi ekumelelwani kwemtimba lohleshuliwe... [Akucoshwanga etheyiphini—Umhl.] njengebungcweli nebuhlungu nekuhlupheka Lakwenta eKhalvari ngesikhatsi lomtimba uhleshulwa. Kutsi Walinyatwa ngenca yesiphambeko setfu, Wahubulwa ngenca yebubi betfu. Sijeziso sekuthula kwetfu sasisetikwaYo, nangemivimba yaYo siphilisiwe tsine. Kungako sitsatsa lesinkhwa lesi lesihleshuliwe kusihlwa. Nkulunkulu abusise labakholwako futsi angcwelise le—lesinkhwa i-kosha kutsi sibe kumelelwani kwemtimba waJesu Khristu. Amen.

²⁶ LiBhayibheli latsi, “Ngendlela lefanako Watsatsa indzebe, futsi Nasadlile kudla kwakusihlwa, Watsatsa, watsi, natsani, lena yindzebe yeSivumelwano leSisha; ngetikhatsi tonkhe lenkwenta ngaso loku, nikhombisa kufa kweNkhosi Ize ifike.” Njengoba ngiphetse ngesandala sami kusihlwa leliwayini, lelentiwe e—emphilweni yemagelebisi laletfwe ndzawonye lapha kumelela iNgati yaJesu Khristu, asikaze sikhatsi sibekhona noko, lapho ngake ngatsatsa khona litreyi lesidlosenkhosi, kodywa angikaze ngibuke lapho futsi ngibone tono tami setihambile. Ngiyabona kube bekungesiko kwaloko, loku-loku...yebo-ke, besiyobakuphi na?

²⁷ Ngicabanga ngekutsi ekhatsi lapho indvodza legulako beyilele khona ifa, ngaleya esibhedlela: mine. Kungemivimba yaKhe ngaphiliswa. Kwangatsi Nkulunkulu waseZulwini leliwayini- angalibusisela lelelitawusetjentisewa kona.

²⁸ Nkhosi Jesu, setfulla kuWe lejusi yemvini wemagelebisi, liwayini litsatfwa engatini yemagelebisi kumelela iNgati yaJesu Khristu. Kwangatsi, njengoba silemukela, Babe, kwangatsi kugula kungesuka kitsi. Kwangatsi sono, sifiso, sisuswe kitsi. Kwangatsi singaphila imphilo lengcweli sibili, imphilo lehlukaniselwe emvakwaloku, kutsi bantfu batobona kubonakaliswa kwaJesu Khristu kitsi, nekutsi kuhamba kwetfu—kwetfu emphilweni kungaba ngulokufanele liVangeli lesilikholwako. Siphe kona, Babe. Futsi ngcwelisa le... leliwayini manje, lelihloselwe kusettentiselwa kona. EGameni laJesu Khristu. Amen.



SIDLOSENKHOSI SSW63-0707E
(Communion)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo kusihlwa, ngenyanga yaKhulwane 7, 1963, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org